



三 五	三 四 七 五
六	

内閣文庫	
番號	漢 3475
冊數	6 (1)
函號	315 73





佳海集序

見縉紳先生未有不詢及秦公者流風遺韻

然如高山巨川人皆識其為一鄉之望迺知地以

人而勝也公沒已數百年而盛名不泯亦以文之有

傳焉耳北監舊有集板歲久漫漶近日山東新刻不


全予迺以二集相校刻之郡齋序曰凡吾人之文有

緒餘有精華有源本得其源本則精華悉舉之矣况


緒餘乎今夫江河之水東流入於海而崑陽崑崙則

佳海集

序



同程張



其發源之地草木花實之盛其得於地上之力必厚矣名勝傳世之文亦江河之流草木之花實也獨不有源本者乎故曰其源深者其流長其本殖者其末茂秦公之名世亦豈偶然哉今之後生聞風興慕者率惟其緒餘是好不復知其精華源本以是求公不亦遠乎蓋其逸情豪興圍紅袖而寫烏絲驅風雨於揮毫落珠璣於滿紙婉約綺麗之句綽乎如步春時女華乎如貴游子弟此特公之緒餘者耳至於灼見一代之利害建事揆策與賈誼陸贄爭長沈味幽玄

博參諸子之精蘊雄篇大筆宛然作者之風此則其精華也迺若孝友出於天性行義孚於朋友少年慨慷論事嘗有繫笞二虜回幽夏故墟之志方王氏用事時公能少貶其說可立登顯要獨守正不撓乃至謫死窮荒沒齒無怨是其曠度高懷藐萬鍾而弗顧堅操勁氣歷九折而不回中之所存有過人者浩然一傳其殆自見也嗚呼以此爲文茲其所以名世者也豈非吾鄉百世之師乎孟子論夷惠清和而稱其爲百世之師他日又謂伯夷隘柳下惠不恭隘與

淮海集 序
不恭君子不由者何耶蓋聖之清和此其源本也隘
與不恭則緒餘末流之弊耳是以君子由其清和不
由其隘不恭也夫公之文既已著於天下矣余小子
其敢以謗陋贅言獨念公一鄉之望恐向慕者昧於
所求序而論之使知公之名世在此而不在彼也公
名觀少游其字一字太虛高郵人淮海其名集云嘉
靖己亥秋九月望日書于鄂之石鏡亭

淮海集序

江都盛儀撰

淮海集者宋高郵秦公觀少游之作也記者曰淮海
集三十卷淮海閒居集十卷淮海詩餘一卷宋史謂
文集四十卷蓋合前二集而言也經籍考歌詞有淮
海集一卷既詩餘也版舊藏國子監歲久漫漶儀真
黃雪洲中丞瓚一刻於山東高郵張世文州守經叅
校監本黃本再刻於鄂州爲淮海集四十卷爲後集
六卷爲長短句分卷上中下亦庶幾還其舊矣未久

鄂板復燬於火縉紳才哲過公故里不見公遺文往
 往惋惜而去高郵州守胡君民表謂闡揚先哲盛舉
 不容已也乃求其善本捐俸復刻以傳工既告成復
 問序於儀儀辭遜再四不獲乃作而言曰淮海集豈
 可不傳哉嘗聞蘓長公謂李薦曰少游之文如美玉
 無瑕琢磨之功殆未有出其右者張文潛則謂少游
 平生為文甚多而一一精好可傳呂居體則謂少游
 雖從東坡遊而其文乃自學西漢邢和叔則謂少游
 文如鐘鼎然其體質重而簡易其畫篆文則後之

武林校閱淮海全集姓氏

楊爾魯

聖魯

牛斗星

仲明

李衡星

遂生

張煒如

道先

張遂辰

卿子

皇甫龍

應侯

沈逢春

六符

朱錫綸

言如

姓氏

鍾人傑 瑞先

梁有栢 臺卿

鄧章漢 七襄

趙世楷 爾泰

張煥如 泰先

王克安 汝止

朱浩 孟陽

陳選 我青

段之錦 斐君

淮海集目錄

卷之一

賦

浮山堰賦 并引

黃樓賦 并引 子瞻謝詩附

寄老庵賦

湯泉賦 子瞻跋語附

歎二雀賦

郭子儀單騎見虜賦



姓氏終

和淵明歸去來辭

卷之二

詩 五言古

泊吳興西觀音院

三老堂

送僧歸遂州

送周裕之赴新息令

寄曾逢原

司馬遷

田居四首

寄題傅欽之草堂

次韻徐仲車見寄

次韻邢敦夫秋懷十首

春日雜興十首

和莘老題召伯斗野亭

莘老魯直子瞻子由張琬張芸叟詩附

卷之三

詩 五言古

陪彥瞻游金山和子由詩

子由子駿詩附

同子瞻端午日游諸寺賦得深字子瞻詩附

寄陳季常

同子瞻參寥游惠山三首子瞻參寥詩附

送少章弟赴仁和主簿

送李端叔從辟中山

贈賽法師翊之

送劉貢父舍人二首

南京妙峯亭

次韻奉酬丹元先生

送裴仲謨

題雙松寄陳季常

徐仲車食於學官吏或以為不可欲罷去之

太守不聽禮遇如初感之而作

卷之四

詩五言古

次韻夏侯太冲秀才

送張叔和兼簡魯直

和王忠玉提刑

飲酒詩四首

艇齋 并序

和裴仲謨摘白鬚行

覲覲二弟作小室請書魯直名曰寄寂作此

寄之用孫子實韻 子實詩附

反初

精思

送楊康功守蘓

偶戲

正仲左丞生日

病犬

和子瞻雙石

雷陽書事三首

海康書事十首

次韻魯存之嘯竹軒

游仙二首

次韻答張文潛病中見寄

與子瞻參寥會松江得浪字 子瞻參寥詩附

卷之五

詩

七言古

觀易元吉獐猿圖歌

夜坐懷莘老司諫

答朱廣微

送僧歸保寧

和王通叟琵琶

醫者

漫郎

記夢答劉全美

和虛飄飄

魯直子瞻詩附

馬上口占二首

別子瞻

子瞻詩附

卷之六

詩

七言古

和黃法曹憶建溪梅花同參寥賦

參寥子瞻子由詩附

題驪鬘圖

和東坡紅鞋帶

題楊康公醉道士石

送蔡子驤用蔡子駿韻

和裴仲謨放兔行

南都新亭行寄王子發

以蓴薑法魚糟蟹寄子瞻

贈女冠暢師

次韻黃冕仲寄題順興步雲閣

徐得之閑軒

送喬希聖

卷之七

詩

五言律

排律

輦下春晴

睡起

次韻莘老初至湯泉二首

莘老詩附

過六合水亭懷裴博士次韻三首

懷孫子實

對淮南詔獄二首

次韻谷米元章

宿參寥房

次韻米元章齋居卽事

次韻酬陳傳道

次韻傳道自適兼呈都司芸叟學士

次韻子由題斗野亭

子由詩附

德清道附寄子瞻

以下排律

鮮于子駿使君生日

次韻蔣穎叔南郊祭告上清儲祥宮二十七

韻

擬郡學試東風解凍

卷之八

詩

七言律

駕幸太學

題闔求仁虛樂亭三首

懷李公擇學士

次韻二首

題湯泉二首

寄題王欽之自圓庵

目錄
流觴亭次韻二首

游龍門山次程公韻

游龍瑞宮次程公韻

次韻朱李二君見寄二首

睡足軒二首

寄孫莘老少監

次韻馬忠玉喜王定國還自濱州

寄李公釋郎中

寄李端叔編修

寄題倪敦復北軒

寄題盧十齋

次韻酬周開祖宣義

送王元龍赴泗州糧料院

次韻子由九曲池子由詩附

次韻子由平山堂子由詩附

次韻子由題蜀井子由詩附

次韻子由摘星亭子由詩附

次韻子由題光化塔子由詩附

次韻子瞻贈金山寶覺大師子瞻詩附

游鑑湖

謁禹廟

蓬萊閣公關詩附

別程公關給事公關次韻詩附

中秋口號

客有傳朝議欲以子瞻使高麗大臣有惜其

去者白罷之作詩以紀其事莘老詩附

卷之九

詩七言律

顯之禪老許以草菴見處作詩以約之二首

參寥詩附

和莘老游龍洞莘老參寥詩附

送蔣穎叔帥熙河二首

和劉僕射感舊言懷寄蘓左丞

西城宴集元佑七年三月上巳詔賜館閣官

花酒以中澣日游金明池瓊林院又會於

國夫人園會者二十有六人

清明前一日李觀察席上得風字

次韻羅正之惠絲扇

寄新息王令藏春塢

送劉承議解職歸養

次韻王仲至侍郎會李觀察池上

慶張君俞都尉留後得子

寄題趙侯澄碧軒

寄張文潛右史

次韻裴君上太守向公二首

次韻太守向公登樓眺望二首

寄錢節

贈劉使君景文

答龔深之

次韻答裴仲謨

答魯存之

春日寓直有懷參寥

次韻裴仲謨和何先輩二首

答閻求仁謝參寥彥溫訪於墳所

次韻劉遜父以寧齋詩二軸作以還之

次韻何子溫

次韻宋履中近謁大慶退食館中

與鄧慎思沐於啓聖遇李端叔

和程給事賢閣黎化去之什

再賦流觴亭

燕觴亭

會蓬萊閣

次韻侍祠南郊

與李端叔游智海用前韻

和黃冕仲寄題延平泠風閣

次韻謝李安上惠茶

次韻范純夫戲答李方叔饋笋兼簡鄧慎思

寄少儀弟

九月八日夜大風雨寄王定國

林次中奉使契丹劉仲平出倅鄆州同舍十

有六人飲餞于丁氏園次少蓬韻二首

卷之十

詩 五六言絕

題趙團練江干曉景四首

夢中得此

寧浦書事六首

卷之十一

詩 七言絕

寄孫傳師著作

泗州東城晚望

戲雲龍山人二首

圓通院白衣閣三首

照閣

睡足寮寄震鼎二弟

次韻參寥見別

與倪老伯輝宿九曲池有懷元龍參寥

春日五首

秋日三首

次韻子由召伯埭見別三首

子由詩附

還自廣陵四首

元日立春三首

次韻宋履中題李侯檀樂亭

春日偶題呈錢尚書

戶部錢尚書和詩餉米再成二章上謝

擬題織錦圖

晚出左掖

次韻蔡子駿瓊花

處州水南庵二首

三月晦日偶題

次韻東坡上元扈從三絕

四時四首贈道流

奉別牛司理

送酒與泗州太守張朝請

題柳陽道中古寺壁二首

又別牛司理

和工部侍郎新章

題金華山寺壁

出省馬上有懷蔣穎叔次韻

穎叔詩附

元佑三年余被召至京師從翰林蘓先生過

興國浴室院始識汶師後二年復來閱諸

公詩因次韻

客有遺予以假山石池聞陳元發有石菖蒲

作詩乞之

興國浴室院獨坐時見子湛就試未出

題務中壁

題法海平閣黎

留別平閣黎

卷之十二

進策

序篇

國論

主術

治勢上

治勢下

卷之十三

進策

安都

任臣上

任臣下

朋黨上

朋黨下

卷之十四

進策

人材

法律上

法律下

論議上

論議下

卷之十五

進策

官制上

官制下

財用上

財用下

卷之十六

進策

將帥

奇兵

辯士

謀主

卷之十七

進策

兵法

盜賊上

盜賊中

盜賊下

卷之十八

進策

邊防上

邊防中

邊防下

卷之十九

進論

鼂錯

韋元成

石慶

張安世

卷之二十

進論

李陵

司馬遷

李固

陳寔

卷之二十一

進論

袁紹

魯肅

諸葛亮

臧洪

王導

崔浩

卷之二十二

進論

王儉

韓愈

李泌

白敏中

李訓

王朴

卷之二十三

論

擬郡學試近世社稷之臣論

聖人繼天測靈論

變化論

君子終日乾乾論

以德分人謂之聖論

卷之二十四

傳

浩氣傳

卷之二十五

傳說

陳偕傳

耿倡傳

魏景傳

汝水漲溢說

心說

二侯說

十二經合義

卷之二十六

表

賀坤城節表

賀興龍節表

代賀太皇太后受冊表

代賀皇太后受冊表

代賀皇太后生辰表

代賀明堂禮畢表

代賀皇太妃受冊表

辭史官表

代勸守謝上表

代程給事乞致仕表

代王承事乞回授一官表

卷之二十七

表

代謝勅書獎諭表

代謝加勳封表

代賀元會表

代謝工部侍郎表

代中書舍人謝表

代中書舍人謝上表

代南京謝上表

代中書舍人謝上表

代謝曆日表

卷之二十八

啓

謝及第啓

賀呂相公啓

賀蘓禮部啓

賀中書蘓舍人啓

謝程公闢啓

謝館職啓

賀崔學士啓

代賀呂司空啓

代賀中書僕射范相公啓

代賀門下孫侍郎啓

代賀中書劉侍郎啓

卷之二十九

啓

代賀王左丞啓

代賀胡右丞啓

代賀京西運判啓

賀京西運使啓

代賀簽書趙樞密啓

代賀蔡相公啓

代賀司馬相公啓

代賀胡右丞知陳州啓

代賀錢學士啓

代賀提刑啓

代回胡右丞年節啓

代回呂吏部啓

代謝中書舍人啓

代賀運使啓

代賀提刑落權發遣字啓

謝胡晉侯啓

代參寥與鍾公實啓

卷之三十

簡

答傅彬老簡

與蘓先生簡

與邵彥瞻簡

與孫莘老簡

與黃魯直簡

與蘓子由著作簡

與李德叟簡

與蘓黃州簡

與李樂天簡

與參寥簡

卷之三十一

文

謁先師文

祈晴文

祭馬通議文

弔鑄鍾文

遣瘧鬼文

祭洞庭文

謁宣聖文

告狄梁公文

告李太尉文

祭勾芒神文

代蔡州太守謁先聖文

謁嶽廟文

謁城隍文

祈晴文

謝晴文

卷之三十二

文疏

謝雨文

獲賊祭廟文

赦後省賽文

祭歐陽夫人文

祭韓康公文

祭酺神文

登第後醮謝青詞

代蔡州進典龍節功德疏

正賜庫功德疏

典龍節功德疏二道

蔡州進生辰疏

神宗功德疏

高郵長老開堂疏

寶林開堂疏

乾明開堂疏

醴泉開堂疏

卷之三十三

誌銘

李狀元墓銘

慶祥師塔銘

葛宣德墓銘

徐氏墓銘

虞氏墓銘

李氏墓銘

掩關銘

劉氏研銘

穎師研銘

瀘州任使君墓表

卷之三十四

贊跋

龍丘子真贊

李潭漢馬圖贊

南都法寶一長老真贊

建隆慶和尚真贊

書王蠲後事

書朝川圖後

高無晦跋尾

裴秀才跋尾

錄壯愍劉公遺事

卷之三十五

跋

法帖通解序

漢章帝書

倉頡書

仲尼書

史籀李斯書

鍾繇書

懷素書

書晉賢圖後

書蘭亭敘後

卷之三十六

狀

鮮于子駿行狀

徐主簿行狀

蔡氏行狀

圓通禪師行狀

錄寶林事實

代蔡州進銀絹狀

代蔡州進瑞麥圖狀

代薦蔡奉議狀

卷之三十七

書

上王岐公論薦士書

上呂晦叔書

謝王學士書

海集 目錄

謝魯子開書

與喬希聖論黃連書

與鮮于學士書

婚書

卷之三十八

記

御書手詔記

五百羅漢記

雪齋記

龍井記

龍井題名記

子瞻跋尾附

閒軒記

芝室記

祖氏先塋芝記

羅君生祠記

蔡州勅書獎諭記

游湯泉記

卷之三十九

海集 目錄

天

序

俞紫芝字序

曹纜州序

逆旅詩序

揚州集序

會稽唱和詩序

懷樂安蔣公唱和詩序

送錢秀才序

王定國注論語序

集瑞圖序

送馮梓州序

卷之四十

哀挽

大行皇太后挽詞二首

韓樞密夫人挽詞二首

俞公達待制挽詞二首

陳承事挽詞

永壽縣君挽詞

曾子固哀詞

蔡氏哀詞

時宣義挽詞

中書侍郎挽詞

呂與叔挽詞

東平夫人挽章

開封李公挽章

孫莘老挽詞

陳用之挽詞四首

滕達道挽詞二首

自作挽詞

淮海集目錄終

淮海集

目錄

三十一

淮海集卷一

宋高郵秦觀少游著 明山陰徐渭天池評

賦 附辭

浮山堰賦 并引

梁武帝天監十三年用魏降人王足計欲以淮水灌壽陽乃假太子右衛康絢節督卒二十萬作浮山堰於鍾離而淮流湍駛漂疾將合復潰或曰淮有蛟龍喜乘風雨壞岸其性惡鐵絢以為然乃引東西冶鐵器數千萬斤益以薪石沉之猶踰年乃合堰袤九里

水逆淮而上所蒙被甚廣魏人患之果徙壽陽戍頓
八公山餘民分就岡壠未幾淮暴漲堰壞奔于海有
聲如雷水之怪妖蔽流而下死者數十萬人初鎮星
犯天江而堰實退舍而壞嗚呼異哉感而作浮山堰
賦其詞曰

繫四瀆之竝驪兮寔脉絡於坤靈惟長淮之澗漫兮
自桐栢而發源貫江河以下驚兮拉泗沂而左奔走
穉雷以赴海兮駕共搖而薄山固元氣之宣節兮息
衆兆之災患粵蕭梁之服命兮抗北魏以爭衡信降
虜之詭計兮阻湯湯而倒征依兩崖以受上兮羌合
脊於中央捷竹留石之不足兮又沈鐵以厭不祥表
九里以中峙兮截萬派之奔茫大隄屹乎如墉兮杞
柳薨其成行展源深而支永兮雖蹙否而必通倏鯨
吼以奔潰兮與蒼蒼而俱東若燃犀之照渚兮旅百
怪而爭道驛馬怒而嘘蹠兮虎蛟咆而相糾哀死者
之數萬兮孤鳧逝其焉游背自然以司鑿兮固神禹
之所惡世苟近以昧遠兮或不改其此度螳螂怒臂
以當車兮飛衛銜石而填海憐梁人之不思兮卒取

非於異代豈方迫於尋引兮不逞議夫無窮將姦臣
取容以幸入兮公相援而欺蒙抑五材囚壯之有數
兮特假手於憧憧系曰敦阜寇冥大川屯精氣扶輿
變乾文運徒力頓漂無根潮波復故彌億年

黃樓賦 并引

太守蘇公守彭城之明年既治河決之變民以更生
又因修繕其城作黃樓於東門之上以為水受制於
土而土之色黃故取名焉樓成使其容高郵秦觀賦
之其詞曰

惟黃樓之瓌瑋兮冠雉堞之左方挾光晷以橫出兮
干雲氣而上征既要眇以有度兮又洞達而無旁斥
丹艘而不御兮爰取法乎中央列于山而環峙兮交
二水而旁奔岡陵奮其襁拏兮谿谷效其吐吞覽形
勢之四塞兮識諸雄之所存意天作以遺公兮慰平
日之憂勤繫大河之初決兮狂流漫而稽天御扶搖
以東下兮紛萬馬而爭前象岡出而侮人兮螭蜃過
而垂涎微精誠之所貫兮幾孤墉之不全偷朝夕以
昧遠兮固前識之所羞慮異日之或然兮復歷之以



茲樓時不可以驟得兮。姑從容而浮遊。儻登臨之信
 美兮。又何必乎故丘。觴酒醪以為壽兮。旅殺核以為
 儀。儼雲鬢以待側兮。笑言樂而忘時。發哀彈與豪吹
 兮。飛鳥起而參差。悵所思之遲暮兮。綴明月而成詞。
 噫變故之相詭兮。適傳馬之更馳。昔何負而遑遽兮。
 今何暇而遨嬉。豈造物之莫詔兮。惟元元之自貽。將
 苦逸之有數兮。疇工拙之能為。躋哲人之知其故兮。
 蹈夷險而皆宜。視蚊虻之過前兮。曾不介乎心思。正
 余冠之崔嵬兮。服余佩之焜煌。從公於斯樓兮。聊裴

回以徜徉。

子瞻因太虛以黃樓賦見寄作詩為謝云我坐黃樓上欲作黃樓詩忽得故人書

中有黃樓詞黃樓高十丈下建五丈旗楚山以為城
 泗水以為池我詩無傑句萬景驕莫隨夫子獨何妙
 雨雹散雷摧雄辭雜今古中有屈宋資南山多磬石
 清滑如流脂朱蠟為摹刻細妙分毫釐佳處未易識
 當有來者知

寄老庵賦

或問孫先生之遊湯泉山也嘗於佛祠之旁二松之
 下誅籬草茅平夷土塗規以為庵曰寄老焉予時實
 從與見其事願揚榘而陳之僕曰唯唯寄老之區在
 於湯泉實惟歷陽東城之域山林鬱其修阻水土婉

而滋息。風和氣平。物無癘疫。其出遊也。南則峰巒經
亘二百餘里。前望建業之都。却顧項王之亭。龍窟呀
其旁。出江漫漫而徂征。東則惠濟真相。二刹相望。殿
寢中開。四注脩廊。閑從遊子於焉。相羊沈燎茗飲樂
未渠央。西則赭落之前。三井天出。幽岵白浪。明晦如
一。旁輸有斛。上庇有室。解衣入遊。百疾爲失。北則瓦
梁之河。陰陵之澤。水潦之所聚會。魚鼈之所充斥。茨
菱蒲蓴。毛髮之富。被及鄰國。其入居也。則閉關却掃。
反聽收視。內外旣進。與妙自會。湛乎若玉。淵之澄。枵
然如槁木之廢。其游也。其居也。無所適而非道者。世
奚足以識之哉。雖然。先生方爲侍從之臣。充諫諍之
官。論思獻納。日不遑給。雖欲復從二三子於寄老之
上。未可得也。一旦功成事畢。引老乞身。天子憫之。不
煩以政。公卿大夫。設祖道。供帳於國門之外。酒闌升
車。望寄老而歸焉。則僕也。亦將負杖屨而從之矣。

湯泉賦

大江之濱。東城之野。有泉出焉。直回峰。負深谷。分埒
引源。迤邐相屬。晨夜有聲。涵雲注玉。薄爲虎鬚。泆爲

收得風致

丁琢而有幽

魚目鱗介莫潛遇者斯浴此何水也哉野老告余曰
 泓泓涓涓莫虞歲年不火而燠其名湯泉嗚呼豈非
 熒惑蒞於上耶燭龍隱於中耶旁通咸池日御之所
 經耶幽精沈魄陰償其負耶丹砂黃硫金石之氣酷
 悍之所激耶德有常仁惠公而浹寒凝海兮不冰旱
 焦山兮不竭其或燥濕外干精氣散越膚革瘡瘍憊
 筋淫血欣滯汨之斲游悅幽憂之永脫以沐則髮澤
 以頰則膚悅其羨流冗浸捐棄於溝壑者猶能灌蔬
 稻之畦已牛馬之賜此又何其然耶吾聞天下之水

摹寫溫滑處

深

厥類寔繁至於弱水儲陰投羽必沈火井萃陽燭石
 灼金祥標醴泉病飲而瘳異紀滋穴神瀆以流焦溪
 乏骨蔓之飾沸潭謝聳取之游其餘酒墨所發膠鹽
 是滋啜懷千金飲狂一國哀玉乳以中涵橫金絲而
 徑度詭品繆名紛莫為數咸受命於元精亦各私其
 所遇若夫匡廬汝水之旁尉氏驪山之下烟菲掩禱
 王孫鳥隼之所娛金穴椒房專寵靡曼之所占則湯
 泉之中又有顯晦者焉野老輟然而笑曰善乎齊給
 之士曳杖而去行歌於塗曰淠淠滂沱奮此泉兮被

彼山阿吾唯濯沐兮不知其他

子瞻跋云余之所聞湯泉七其五則今

三子之所遊與太虛之所賦所謂匡廬汝水尉氏驪山其二則余之所見鳳翔之駱谷與渝州之陳氏山居也皆棄於窮山之中山僧野人之所浴麋鹿猿狖之所飲惟驪山當往來之衝華堂玉甃獨為勝絕然坐明皇之累為楊李祿山所污使口舌之士援筆唾罵以為亡國之餘辱孰甚焉今惠濟之泉獨為三子者詠嘆如此豈非所寄僻遠不為當塗者所洞而為高人逸才與世異趣者之所樂乎或曰明皇之累楊李祿山之污泉豈知汚之然則幽遠僻陋之歎亦非泉所病也泉固無所榮辱特以人意推之可以為抱器適用而不擇所處者之戒元豐元年十月五日

歎二鶴賦

廣陵郡宅之圃有二鶴焉昂然如人處乎幽閒翅翻

摧傷而弗能飛翻雖雄雌之相從常悒悒其鮮懽時引吭而哀喚若對客而永嘆圃吏告予曰此紫薇錢公之鶴也公熙寧時實守此邦心虛一而體道治清淨而忘言既不耽乎豆觴又不嗜乎匏絃惟此二鶴與之周旋居則俛仰於賓掾之後出則飛鳴乎導從之先故鶴之來也則知使君之將至鶴之往也則知使君之將還是時一郡之人好甚於姻敬愈於客如愛子之居家若寵臣之在國晝從乎風亭之濱夜棲乎月臺之側謂此幸之可常頗超搖而自得逮公之

去于今幾時人各有好鶴誰汝私具名物於有司雞
 鶩易而侮之。傍軒楹而蒙叱歷階所而遭麾惟主人
 之故客間一遇而嗟咨余聞而嘆曰噫嘻有恃而生
 者失其所恃則悲彼有啄乎廣莫之野飲于清冷之
 淵隨林丘而止息順風氣而騰騫一鳴九臯聲聞于
 天若然者又豈衛侯之能好而支遁之一解哉。

郭子儀單騎見虜賦

回紇入寇汾陽出征何單騎以見虜蓋臨戎而示情
 匹馬雄趨方傳呼而免胄諸羌駭矚俄下拜以投兵

史中如許情
 事四語括之

方其唐祚中微胡塵內侮承范陽猖獗之亂值永泰
 因循之主金縉不足以塞其貪嗜鎧仗不足以止其
 攘取雲屯三輔但分諸將之兵烏合萬羣難破重圍
 之虜子儀乃外弛嚴備中輸至誠氣干霄而直上身
 按轡以徐行於是露刃者膽喪控弦者骨驚謂令公
 尚臨於金甲想可汗未厭於寰瀛頓釋前憾來尋舊
 盟彼何人斯忽去幢幡之盛果吾父也敢論戈甲之
 精豈非事方急則宜有異謀軍既孤則難拘常法遭
 彼虜之悍勁屬我師之困乏校之力則理必敗露示

歸而流

以誠則意當親狎所以徹衛四環去兵兩夾雖鋒無
鏌邪之銳而勢有泰山之壓據鞍以出若乘擒虎之
驄失仗而驚如棄華元之甲金石至堅也以誠可動
天地至大也以誠可聞矧爾熊羆之屬困乎蛇豕之
羣於是時也將乘驕而必敗兵不戢則將焚惟有明
信乃成茂勲吐蕃由是而引歸師殲靈夏僕固於焉
而暴卒禍息并汾非不知猛虎無助也受侮於狐狸
神龍失水也見侵於螻蟻曷為鋒鏑之交下遽遺紀
綱而不以蓋念至威無恃於張皇大智不資於恢詭

遠同光武輕行銅馬之營近類曹成獨造國良之壘
向若怨結不解禍連未央養威嚴於將軍之幕角技
巧於勇士之場攻且攻今天變色戰復戰兮星動芒
如此則雖驍雄而必弊顧創病以何長符秦夸南伐
之師坐投肥水新室恃北來之衆立潰昆陽固知精
擊刺者非為將之良敢殺伐者非用兵之至況德善
之身積宜福祥之天昇故中書二十四考焉由此而
致

和淵明歸去來辭

歸去來兮眷眷懷歸今得歸念我生之多艱心知免
而猶悲天風飄兮余迎海月炯兮余追省已空之憂
患疑是夢而復非及我家於中途見女欣而牽衣望
松楸而長慟悲心極而更微升沈幾何歲月如奔嗟
我宿昔通籍壁門賜金雖盡給札尚存愧此散木繆
爲犧尊屬黨論之云典雷霆發乎威顏淮南謫於
庖予小子其何安歲七官而五譴越鬼門之幽關化
猿鶴之有日詎國光之復觀忽大明之生東釋纍囚
而北還灑天漢而一洗覺宇宙之隨寬歸去來兮請
逍遙於至游內取足於一身復從物兮何求榮莫榮
於不辱樂莫樂於無憂鄉人告予以有年黍稷鬱乎
盈疇止有弊廬泛有扁舟濯予足兮寒泉振予衣兮
古丘洞骨中之滯礙眇雲散而風流識此行之匪禍
乃造物之餘休已矣哉桔槔俛仰無已時舉觴自屬
聊淹畱汝今不已將安之封侯已絕念仙事亦難期
依先塋而灑掃從稚子而耘耔脩杜康之廢祠補由
庚之亡詩爲太平之幸老幅巾待盡更奚疑

似自香

淮海集卷第一

卷一

[Faint bleed-through text from the reverse side of the page]

淮海集卷二

詩

五言古

泊吳興西觀音院

金刹負城闐，闐然美栖止。
卞山直穹窿，茗水相依倚。
霜檜鬱冥冥，海棕鮮蕤蕤。
廣除庇夏陰，飛棟明朝晷。
溪光鳧鷖邊，天色孤蒲裏。
緒風傳晝焚，壁月窺夜禮。
洩雲慧層空，規荷鑑幽汜。
餘艫烟際下，鐘磬林端起。
聳牙戲清深，欵嶽撲空紫。
所遇信悠然，此生如寄耳。
志士恥溝瀆，征夫念桑梓。
攬衣軒楹間，嘯歌何窮已。

志士三老堂

趙少師張少保趙通議

堂堂三元老業履冠儔匹
 謇諤橫秋霜高明麗朝日
 竝道謁溫宣連科收甲乙
 東南奠藩服西北馳使驛
 解鞅環堵安岸幘羶裘屈羣姦
 懾警效衆廢起咄叱
 至今領麾地謳吟遍蓬華
 出入雖異途歸潔固如一
 晚厭方內遊把袂訪閒逸
 雲壑慶安車風川駛飛鷁
 獻酬埃壒外珠玉在揮筆
 風標傲松鶴顏髮移丹漆
 遂令吳越人藻繪恣稱述
 邈然超世姿髣髴得十七
 辟靡禮寂滅麟閣事蕭瑟
 茲焉出民願名實更炳蔚

琬琰琢高詞龍蘭燎深室福履既所綏光華無終畢

送僧歸遂州

寶師本巴蜀浪跡遊淮海
 定水湛虛明戒珠炯圓彩
 飄零鄉縣異晼晚星霜改
 明發又西征孤帆破烟靄

送周裕之赴新息令

丈人淮海英抗節浮雲外
 揮毫錯星錦抵掌參筭籟
 青春抱脩能脫略無范蔡
 晚營三徑資百里聊束帶
 扁舟歲欲徂古剝夜仍艾
 去去整羽儀行與高風會

寄曾逢原

孟之陶草集
印不復可辨

孟夏集

卷二

二

孟夏氣候好。林塘媚晴輝。回渠轉清流。藻荇相因依。
叢薄起疎籟。衆鳥鳴且飛。高城帶落日。光景酣夕霏。
卽事遠興託。撫已幽思微。超搖弄柔翰。徒倚絃金徽。
美人邈雲眇。志願固有違。丹青儻不逾。與子同裳衣。

司馬遷

分韻得
壑字

子長少不羈。發軔遍丘壑。晚遭李陵禍。憤悱思遠託。
高辭振幽光。直筆誅隱惡。馳騁數千載。貫穿百家作。
至今青簡上。文彩炳金鑊。高才忽小疵。難用常情度。
譬彼海運鵬。豈復顧繒繳。區區班叔皮。未易議疎略。

田居四首

雞號四鄰起。結束赴中原。戒婦預爲黍。呼兒隨掩
門。犁鋤帶晨景。道路更笑喧。宿潦濯芒屨。野芳簪
髻根。霽色披宵靄。春空正鮮繁。辛夷茂橫阜。錦雉
嬌空園。少壯已雲趨。伶俜尚鴟蹲。蟹黃經雨潤。野
馬從風犇。村落次第集。隔塍致寒暄。春言月占好。
弩力競晨昏。
入夏桑柘稠。陰陰翳虛落。新麥已登場。餘蠶猶占
箔。隆曦破層陰。霽靄收遠壑。雌蜺臥淪漪。鮮飈泛

孟夏集

卷二

三

滌薄林深鳥更鳴，水漫魚知樂。羸老厭煩，敲解衣
屢槃礴。陰樹濯涼颼，起行遺帶索。冢婦餉初還，丁
男耘有託。倒苒備青錢，鹽茗恐垂橐。明日輸絹租，
鄰兒入城郭。

昔我蒔青秧，廉纖屬梅雨。及茲欲成穗，已復頽星
暑。遲暮易昏晨，搖落多砧杵。村迥少過從，客來旋
炊黍。興發卽杖藜，未嘗先處所。褰裳涉淺瀨，矯首
沒孤羽。藜祠土鼓悲，野埭鷓鴣舞。雉子隨販夫，老
翁拜巫女。辛勤稼穡事，惻愴田疇語。得穀不敢儲。

催科吏旁午

辛勤一作艱難

嚴冬百草枯，鄰曲富休暇。上井時一汲，柴車久停
駕。寥寥場圃空，跼跼烏鳶下。孤榜傍橫塘，喧春起
旁舍。田家重農隙，翁媪相邀迓。班坐醜酒醪，一行
三四謝陶盤。奉旨蓄行筋，羞雞彘飲酣。爭獻酬語
闕，或悲咤悠悠燈火暗。刺刺風颼射，客散靜柴門。
星蟾耿寒夜。

富疑作當

寄題傅欽之草堂

河陽有洑流，經營太行根。盛德不終晦，發爲清濟源。

斯堂濟源上太行正當門仰視浮雲作俯窺流水奔
 脩竹帶藩籬百禽鳴朝暎相望有盤谷李愿故居存
 主人國之老實惟商巖孫班行昔供奉亟進逆耳言
 天子色為動羣公聲亦吞蕭條冰霜際不改白玉溫
 出處士所重其微難具論公勿思草堂朝廷待公尊

次韻酬徐仲車見寄

渭清非勝涇蘭芳水無慕我生季葉中乃與古人遇
 職當供洒掃匏繫愧遲暮來章感存沒三讀淚如注

次韻邢敦夫秋懷十首

以微雲淡河漢疎雨滴梧桐為韻

車陟高丘却望大梁圻馳道入雙闕勾陳連太
 微夷門壯下屬清洛相因依美哉吾黨士臯禹良
 可希
 暮有二客至俱以能禪聞一枝惠林出一派智海
 分言各不相可往來劇絲棼謝客姑舍是妨余醉
 看雲
 昔者曾中書門戶實難瞰筆勢如長淮初源可觴
 濫經營終入海欲語焉能暫斯人今則亡悲歌風
 慘愴

渤海有巨鼇其顛冠峩峩宿昔嘗小抃八絃相盪
摩忽遭龍伯人一舉空潮波取皮煎作膠清此豈
崙河
蝮蛇初螫手壯士斷其腕豈不悲毀傷所卹在軀
幹西羗沙鹵地置戍或煩漢雞肋不足云阿瞞妙
思筭
湯湯辟靡流中有學子居但說若稽古言有三萬
餘來者轉相祖詞杜
凋踈稍喜績溪令入技天
祿書

匠氏構明堂百材入斤斧儻非豫章棟冗長亦焉
取英英范與蘇器識兼文武胡爲先一州不用作
霖雨

憬彼高句麗來修裔夷職天都富如海勞汝送涓
滴軸艦尾相銜遠近困供億止沸當絕薪揚湯百
無益

祖宗舉賢良充賦多名儒執事惡言者此科爲之
無雖有仲舒錯或橫江潭魚果欲鳴鳳至還當種
椅梧

那侯秋臥病揮毫見深衷。廣者二三子，翕然笙磬
同不爲兒女姿。頗形四方風，屬有山水念。因之絲
與桐，琴瑟春日雜興十首

飄忽星氣徂，青陽迫遲暮。鳴飛各有適，赤白紛無
數。雨砌墮危芳，風軒納飛絮。塞幃香霧橫，岸幘雲
峰度。林影舞窓扉，池光染衣履。參差花鳥期，蹭蹬
琴觴趣。撫事動幽尋，感時遺近慕。秣馬膏余車，行
行不周路。

結髮謝外好，僂俛希前修。繆挾江海志，耻爲升斗
謀。齷齪歷難刻，畫賤貧多釁。尤發軔背伊闕，解驂憇
邗溝。丹鉛費永晷，麴蘖歐深愁。璧月鑿簾櫳，珠星
絡梧楸。泯泯渠水駛，霏霏花霧浮。公子悵何許，撫
膺徒離憂。
潭潭故邑井，猗猗上宮蘭。不食自清潔，莫服更幽
閒。志士耻弱植，卷跡甘饑寒。佳晨追良覲，觸物懸
悲端。川途眇回遠，經歲曠音翰。豈不慕裘馬，詭得
非所安。蟬冕多怵迫，繩樞尠憂患。枉尋竟何補，方

杓誠獨難

吳會雖褊小海濱富竒峰天雞一號叫劔戟明遙
空谿谷相徑復深林杳攢叢猿吟虎豹啼雲氣迷
西東中有遜世士超然閔孤蹤被蘭服明月起坐
松聲中夜鍛吸沆瀣朝琴庇青葱騎星友元氣巢
許安可同俛眄區中人飛埃集毛鋒問津或不繆
從子游鴻蒙不尋蹤東方有美人容華茂春粲抱影守單棲含睇理哀
彈聲意一何切所歡逸雲漢徒然事膏沐孰與徂

昏旦微誠浪自持嘉月忽復晏巧轉度虛櫺飛紅
觸幽幔歲歲芳草滋夜夜明星爛合并會有時索
居不必歎

寢瘵倦文史駕言從遨嬉颶風舉遙淑規日麗清
漪含桃粲朱實杜若懷碧滋娉娉弱絮墮圍圍文
魴馳明霞廓遠矚哀禽攬離思縉草天際合孤雲
川上移寬閒絕輪鞅重複多路岐信美雖久佇歸
歎從所治

昔我遊京室交通五陵間主客各英妙袍馬相追

攀千金具飲啜，百金雇吹彈。纓弁羅廣席，當頭舞
交竿。鮮粧耀淥酒，采纈生風瀾。燈燭暗夜艾，士女
紛相班。歡娛易徂歇，轉眄如飛翰。疊疊負孤願，離
離銜永歡。山鳥窺茗飲，簷花笑蔬飧。棄捐勿重陳，
事定須蓋棺。

客從遠方來，遺我昭華管。吹之動人心，異境生虛
窾。礧礧青嶂橫，泱泱春溜漸。馬蹄交狹邪，車轂錯
平坦。士女競芳辰，禽魚蔭修竿。依微認睇笑，凌沒
見纖短。停吹歛泯滅，耽耽復空館。靈物信所珍，顧

恨知音罕

桃李用事辰，鮮明奪雲綺。繁華一朝去，默然慚祀
梓。時徂鷹化鳩，地遷橘爲枳。獨有羨門生，後天猶
不死。藝籍燔祖龍，斯文就淪喪。帝矜黔首愚，諸雋
出相望。楊馬操宏綱，韓柳激頽浪。建安妙謳吟，風
槩亦超放。

玉繩帶華月，艷艷青冥上。奕世希末光，經緯得無
妄。兒曹獨何事，詆斥幾覆醬。原心良自誣，猥欲私
所向。螳螂拒飛轍，精衛填溟漲。咄咄徒爾爲，東海

固無恙鷓鴣日彫滅黃口紛冗長投袂睇層霄茲
懷誰與亮

和孫莘老題召伯斗野亭

淮海破冬仲雪霜滋不平菱荷枯折盡積水寒更清
輟棹得佳觀湖天繞朱甍信美無與娛濁醪聊自傾
北眺桑梓國悠然白雲生南望古邗溝滄波帶蕪城
村墟翳茅竹孤烟起晨烹簷間鳥聲落客子念當行
攬衣視日景薄陰漏微明何時復來遊春風發鮮榮

孫莘老唱云 淮海無林丘曠澤千里平一渠開防
濬物色故不清老僧喜穿築北戶延朱甍簷栢斗杓

落簾幃河漢傾平湖杳無涯湛湛春波生結纜嗟已
晚不見芙蓉城尚想紫茱盤明珠出新烹平生有微
尚一舟聊寄行遇勝輒偃蹇霜鬚刷澄明可待齒牙
豁歸歎謝浮雲黃魯直和云謝公所築埭未歎
曲池平蘇州來賦詩句與秋氣清結構擅空闊湖光
浮棟甍維斗天司南其下百瀆傾其官產明月合羣
遍諸生盤薄淮海間風烟浸十城籟簫吹木末浪波
沸庖烹我來杪搖落霜清見魚行白鷗遠飛回得我
若眼明佳人歸何時解衣繞廂榮蘇子瞻和云
落帆謝公渚日脚東西平孤亭得心懋暮景舍餘清
坐待斗與牛錯落掛南甍老僧如宿昔一笑意已傾
新詩出故人舊事疑前生吾生七往來送老海上城
逢人輒自晒得魚不忍烹似聞續溪老復作東都行
小詩如秋菊艷艷霜中明過此感我言長篇發春榮
蘇子由和云扁舟未得解坐待兩闌平濁水汗
人思野寺為我清昔遊有遺詠枯墨存高甍故人獨
未來一罇誰與傾北風吹微雲暮寒依月生前望邗
溝路却指鐵壘城茅簷卜茲地江水供晨烹試問東

坡翁畢老幾此行奔馳力不足隱約性愈明早為歸
 耕計免慙老僧榮張琬和云維舟得古寺望遠
 天四平晴日揮揮散晚風冷冷清危亭下瞰野層閣
 高連麓起望斗與牛淮海相奔傾往來誰百年今昔
 我平生悠悠何所寓臺上多化城與其逐影死寧似
 不鳴烹咄哉應有止老矣將安行中庭桂子落丈室
 霜月明此意竟蕭條猶然笑安榮張芸叟和云
 我登甘棠埭所向殊未平舟行汙池中頓失江湖清
 蛙聲亂僧唄鳴鴟吻嚇市蕘意同伯喈死苟與衛士傾
 開池種白蓮壘石擬三生猶淹南斗墟終遠北斗城
 設我紫藕供報之白芽烹三年猿鶴友萬里秦楚行
 秋風隴首至落日淮南明寄言懷士士慎勿慕官榮

淮海集卷二

淮海集卷三

詩

五言古

陪彥瞻遊金山和子由詩

江流會揚子洶洶東南鶩海門劃前開金山屹中據
 鼓鐘食萬指金艫棲千柱夜庭游月波曉觀搏香霧
 天清猿鳥哀風暗魚龍怒雲物橫古今濤波閱晨暮
 三州氣色來上下端倪露偉哉元氣間此勝知誰聚
 念昔憇精廬登臨輒忘去汲新試團月飯素羹魁芋
 妙興入芳藤真境在芒屨別來星暑換寤寐經從處

忽蒙珠璧投了與雲巒遇幽光炯肝肺爽氣森庭戶

區中多滯念方外饒竒趣寄語山阿人冷然行復御

子由詩唱云揚州望金山隱隱大如幘場來長江

上孤高二千尺僧居厭山小四面貼蒼石虛樓三百

間正壓江潮白清風歛霽霧曉日耀金碧直侵魚龍

居似有鬼神役我行有程度欲去空自惜風吹渡江

水山僧午方食波瀾洗我心笋蕨飽我腹平生足游

行壯觀此云極鐵甕本誰安海門復誰植東南迤隱

見遙與此山定茲遊幾不遂深愧幕府客歸時日已

暮正值江月黑顧視天水并坐恐星斗濕使君何時

罷登覽不可失鮮于子駿和云蓬萊二神山橫

絕倚蓋背蓋傾海水動一峰失所在飛來大江心盤

礴幾千載化為金僊居龍身錯朱貝夙昔愛山水江

湖不甞忘君前或剖竹匏繫古維揚隱然勝絕境且

且遇相望不意二君子招我一葦航高攀躡雪梯瀾

視瞰真漲潮來隱天地萬里卷白浪波清霄漢淨澄

澈迷下上更深月正中山影杳無象駉麗四五百穴

勢三出壯融結所難窮丹青殊莫狀蘇侯韻高遠邵

子雅翹尚竒觀極無邊幽尋端未放浮生閱流水清

話造方丈畢景趣言歸侵星搖兩槳武功真好竒落

筆掃珠璣持語淮南守茲遊不可遺

君恩早晚東南下一棹扁舟信所之

同子瞻端午日游諸寺賦得深字

太史抱孤韻暢懷在登臨別乘載鄒枚佳辰事幽尋

參差水石瘦窈窕房櫳深清磬發踈箔妙香橫素襟

復登翠堵坡環回矚嗽峯雙溪貫城郭暝色帶孤禽

涼飈動爽籟薄雨生微陰塵想澹清漣牢愁洗芳斟

揮筵訂往古援毫示來今愧無刻燭敏續此金玉音

子瞻詩云 肩輿任所適 遇勝輒留連 焚香引幽步
酌茗開淨筵 微雨止還作 小窓幽更妍 盆山不見日
草木自蒼然 忽登最高塔 眼界窮大千 卞峰照城郭
震澤浮雲天 深沈既可喜 曠蕩亦所便 幽尋未云畢
墟落生晚烟 歸來記所歷 耿耿清不眠 道人亦未寢 孤燈同夜禪

寄陳季常

一鉤五十轄始具任公釣 揭竿趣灌瀆與爾不同調
先生本西蜀俠氣見英妙 哀憐世間兒細黠似黃鸝
侍童雙擢玉鬢髮光可照 駿馬錦障泥相隨窮海嶠
平生携手好 十七登廊廟 小生相吏耶 徒枉尺書召
暮年更折節學佛得心要 鬻馬放阿樊幅巾對沲燈

泠泠屋外泉兀兀 原頭燒欲知 山中樂萬古同一笑

同子瞻參寥遊惠山三首

輟棹縱幽討 籃輿入青蒼 圓頂相邀迂 旃檀燎深
堂層巒淡如洗 傑閣森欲翔 林芳含雨滋 岫日隔
林光洎涓續 清溜靡靡傳 幽香俯仰佳 覽眺悠哉

身世忘

用王武陵韻

使君厭機械所與惟散人 顧慙蒹葭陋繆倚瓊枝
新上于青礫礫下屬白磷磷 洞天不知老金界無
棲塵網彼人間世 烏蟾閱青旻 詎得踵三隱 山阿

相與鄰

用竇群韻

樓觀相複重邈然闕深樾九龍吐青泠灑灑曾未
絕鬪乍馳千里真珠猶不滅况復從茶僊茲焉試
葵月岸巾塵想消散策佳興發何以慰遨嬉操觚

繼前轍

用朱宿韻 子瞻云余昔為錢塘倅往來無錫未嘗不至惠山既去五年復為湖州與高

郵秦少游杭僧參寥同至覽唐處士王陵竇群朱宿
所賦詩愛其語清簡蕭然有出塵之姿追用其韻各
賦 夢裏五年過覺來雙鬢蒼還將塵土足一步滄
瀾堂俯窺松桂影仰見鵲鶴翔炯然肝肺間已作冰
玉光虛明中有色清淨自生香還從世俗去永與世
俗忘 薄雲不遮山疎雨不濕人蕭蕭松桂滑策策
芒鞋新嘉我二三子皎然無淄磷勝遊豈殊昔清句
仍絕塵用古泣舊史疾讒歌小曼哀哉扶風子難與

巢許鄰 鼓火發山泉烹茶避林樾明窓傾紫盞
味兩奇絕吾生眠食耳一飽萬想滅頗笑玉川子饑
弄三百月豈如山中人睡起山花發一甌誰與共門
外無來轍參寥同賦 山烟弄滅沒山木含蒼蒼
刺舟傍遙岸理策升虛堂周遭矚層巘矯矯如翱翔
下瞰平田流澹然浮日光青篁解初籜洗雨聞新香
雖云迫前途真賞豈易忘 松門暗朝雨寂歷無行
人蔓草忽穿徑卉木鬱以新堦泉漱石齒喫眼光磷
磷使君美無度卓犖遺囂塵風標傲竹栢談笑凌窮
晏何愧沈冥子臥霞吞結鄰 揚帆渡江來洗眼驚
翠樾雲姿既容喬鳥弄更清絕凌梯訪前蹤琬珽亦
未滅嗟我魚日光疇能綴明月狂墨掃琅玕風烟座
中發殊勝區中 人茫茫走飛轍

送少章弟赴仁和主簿

我宗本江南為將門列戟中葉徙淮海不仕但潛德

淮海集 卷三
先祖實起家先君始縫掖議郎爲名士余亦忝詞客
風流以及汝三通桂堂籍汝弱不好弄文章有新格
久從先生游術業良未測武林一都會山水富南國
下有賢別駕上有明方伯干將入砥礪驥裹就嘶勒
勿矜孔鸞姿不樂棲枳棘吳中多高士往往寄老釋
辯才雖物化參寥猶夙昔投閑數訪之可得三友益
少來輕別離老去重乖隔念汝遠行役惘惘意不懌
道山雖云佳久寓有饑色功名已絕意政苦婚嫁迫
終從大人議稅駕邗溝側追蹤漢兩疎父子老并陌

送李端叔從辟中山

人畏朔風聲我聞獨寬懷豈不知凜冽爲自中山來
端叔天下士淹留蹇無成去從中山辟良亦慰平生
與君英妙時俠氣上參天孰云行半百身世各茫然
當時兒戲念今日已灰死著書如結菴聊以忘憂耳
駸駸歲道盡淮海歸無期功名良獨難雖成定奚爲
念君遠行役中夜憂反側攬衣起成章贈以當馬策
贈蹇法師翊之

天都九經緯人物如紡績豈無仙聖遊但未見高識

蹇師蜀方士鬼物克服役竭來長安城摩挲金銅狄
大蛇死已論葛陂囚且釋是事何足云聊爾恤艱厄
方從馬明生西去鍊金液丹成得度世造化為莫逆
予亦江海人名宦偶牽迫投効去未能見師三嘆息

送劉貢父舍人二首

虎去藜藿採珠在其川媚君子一譔信實繫天下
事念昔元豐間公初謫南裔託詞弔湘水聞者為
心醉踰年儉臣逐國老起相繼除公守襄陽士始
有生意茲焉歸法從乃是朝廷計在公何足云事

業本餘棄掖垣美花木入直春正麗同僚看家風
立馬揮九制

觀也本諸生早與世參商方枘不量鑿交親指為
狂末路辱公知賜出非所望相期古人處豈止事
文章汝南雖奧區校官定始張解鞅百無有栖栖
寄僧坊築室從有徒皆公借餘光一壺千金直所
濟在倉黃。萬里猶比鄰別離無足傷何以報公德
修好以為常

壺瓠屬負之
免溺

南京妙峯亭 王勝之所作
蘇子瞻題榜

王公厭承明出守南宮鑰結構得崇丘巋然瞰清洛
 是時謫仙人發軔自廬霍郊原春鳥鳴來此動豪酌
 報投一何富玉按金刀錯新榜揭中楹千載見遠託
 揭來訪陳迹物色屬搖落人烟隔鳧鴈田疇帶城郭
 紅蕖隕風漪砂礫卷飛籜青青陵上姿獨汝森自若
 人生如博奕得喪難前約金鉞初控頤已復東方作
 大明昇中天龍鸞入階閣深懲漁奪弊法令一刊削
 斯民如解懸喜氣鬱磅礴公乎數登覽行矣翔寥廓

次韻奉酬丹元先生

金華紫烟客來作牧羊兒至言初無文尋繹自成詩
 二景入妙解元氣含烟詞憐我鬣蒼浪黃埃眩蟲絲
 勸解冠上纓一濯含風漪攝身列缺外倒躡蛇涎髻
 維斗錯明珠望舒耿修眉真游無疆界浩蕩天風吹

送裴仲謨

君子出於德妙高如匠石但見廣厦成不見斧斤迹
 厚為諸兄奉自奉頰云嗇三生陽亢宗薄俗有慙色
 汝南古佳郡月旦評一易爾來似揚州不辨龍蜥蜴
 短簿髯參軍喜怒移頃刻正平竟獲免寔我文舉力



念公多乖隔憂思如紡績耻爲兒女仁到此淚橫臆
熙朝大烹飪賢者不家食朝爲郡縣吏暮作臺省客
矧聞諸法從久欲薦言責去去勿重陳九萬自此擊

題雙松寄陳季常

遙聞連理松託根黃麻城枝枝相鉤帶葉葉同死生
雖云金石姿未免兒女情想應風月夕滿庭合歡聲
徐仲車食於學官吏或以爲不可欲罷去之太
守不聽禮遇如初感之而作

許丞老病聾督郵白欲廢賢哉黃次公鑒裁實精詣
殷勤謝督郵此丞乃廉吏重聽庸何傷善助無失意
古人骨已朽來者復誰繼仲車天下士固非許丞類
至行通神明問學有根柢若克老更聘自革風俗弊
太守前已聞粟帛俄見賜柰何少年子輒効督郵事
道喪賢哲窮聞之爲流涕人心如其面難以一律揆
所望在次公督郵何足議

議郎盛德後清修。繼先芬未試霹靂手。低回從此君
學官冷如水。蠶鹽度朝曛。間蒙相煖熱。破憂發孤欣。
君今又復去冀北。遂空羣豈無一樽酒。誰與通殷勤。
大梁多豪英。故人滿青雲。爲謝黃叔度。鬢毛今白紛。
和王忠玉提刑
嵩峯何其高。峯高氣尤清。念昔秋欲老。從公峯下行。
古木上參天。哀禽報新晴。修塗雲外轉。槁葉風中零。
曠黑度伊水。眇然古今情。黎明出龍門。山川莽難名。
信美非吾土。願瞻懷楚萍。美人天一方。傷哉誰自成。

黃綬我聊爾。白鷗公勿驚。糟醕可舖啜。古人忌爲醒。
飲酒詩四首

我觀人間世。無如醉中真。虛空爲消隕。况乃百憂
身。惜哉知此晚。坐令華髮新。聖人難驟得。得且致
賢人。

左手執蟹螯。舉觴屬雲漢。天生此神物。爲我洗憂
患。山川同恍惚。魚鳥共蕭散。客至壺自傾。欲去不
容間。

客從南方來。酌我一甌茗。我酌初不啜。驪啜且復

醒既鑿渾沌氏遂出華胥境操戈逐儒生舉觴還

酩酊氏一作竅

雷觴淡如水經年不濡脣爰有擾龍系為造英靈

春英靈韻何高蒲萄難為鄰他年血食汝應配杜

康神

艇齋并序

予以典校史領俸錢塘邂逅得友丁君彥良於陳留
官舍丁君彥良年少氣雋誦詩文疊疊不休動有過
人語深恨得之晚也臨分以艇齋詩速予賦為寄題

一篇

平生樂漁釣放浪江湖間兀兀寄幽艇不憂浪如山
聞君城郭居左右羣書環有齋亦名艇何時許追攀
釣古不釣今所得孔與顏不然如爾祖跨鶴出塵寰

和裴仲謨摘白鬚行

仲將題凌雲比訖鬚盡白陸展媚側室星星染為黑
人生如寄耳况復形與色澤壑藏山舟夜半輪有力
龐眉三不遇已矣何所惜二毛賦秋興自愛頗姑息
聞諸古竺乾毛髮因地得數窮反其本螻螳得而食

妙年光可鑒炯若鴉羽戢映梳漸蕭蕭變化了無隙
 所以梵志云昔人已非昔皤然君勿笑子羽以貌失
 信美如客兒終翦施摩詰我作白鬚行而得蒼生術
 觀觀二弟作小室請書魯直名曰寄寂作此寄

之用孫子實韻

力田不逢年識者未宜閔他時歲在金百兩無虛糶
 士生當自量天道平如準汝兄魯叔山正坐不前謹
 有琴亦無絃何心尚求軫客來欲頽玉太白輒滿引
 官長既屢罵諸生亦時嘖一口吸西江玄哉居士蘊

歲寒知蒼松日暮識丹槿夢想八
 九椽森然羅玉筍

孫子實詩 薛宣欲吏雲季氏或 摺閱此分冑中秋
 萬物既收稱 賣藥偶知名章玄非 近準才難不易得
 志大略細謹 士生要弘毅 天地如 蓋軫驥令 鹽車駝
 井下知 纒引難甘 吁爾食 聊寄 粲然 誰能借前 籌
 還婦用 束蕙 吾聞 調羹 鼎異 味及
 粉 槿 豈 其 供 王 羞 而 棄 會 稽 筍

反初

昔年淮海未邂逅安期生謂我有靈骨法當遊太清
 區中緣未斷方外道難成一落世間網五十換嘉平
 夜參半不寢披衣涕縱橫誓當反初服仍先謝諸彭
 晞髮陽之阿舖餒太和精心將虛無合身與元氣并

陟降三境中高真相送迎琅函紀前績金蒲錫嘉名
耿光洞寥廓不借日月明故棲黃埃裏絕想空復情
精思
精思洞元化白日昇高旻俯仰凌倒景龍行速如神
半道過紫府弭節聊逡巡金牀設寶几璀璨明月珍
僊者二三子眷然骨肉親飲我霞一杯放懷暖如春
遂朝玉虛上冠劍班列真無端拜失儀放斥令自新
雲霄難遽返下土多埃塵淮南守天庖嗟我實何人

送楊康功守蘇

公於萬事輕獨嗜山水重寓直西掖垣滄洲長入夢
廣陵以都會厨酒萬斯甕每歎闕登臨持此將焉用
比持蘇臺節論鬱縉紳共翻云美泉石汔可小嬉弄
忽忽治行李草草別賓從乃知仁智心所樂異庸衆
梅花發春端百卉日興動公等行復反臺閣俟鸞鳳

偶戲

偶戲失班龍坐謫崑崙陰崑崙一何高去天無數尋
嘉禾穗盈車珠玉爛成林天飈時一拂清哀動人心
一面四百門官譙雲氣侵闕然竹使符難矣斲登臨

群仙來按行憐我久滯淫力請始云免反室歲已深
親朋喜我來感歎或霑襟塵寰君勿悲殊勝巢嶽峯

正仲左丞生日

元氣鍾英偉東皇賦炳靈冀敷十一莢椿茂八千齡
汗血來西極搏風出北溟之無分襁褓詩禮學趨庭
妙質珠遺海高材刃發硎初更芸閣秘屢直瑣闥青
史筆開凡例綸言正緯經文昌頻曳履京兆屢空囹
遂總臺綱紀常參國典刑兩宮隆眷遇諸夏聳瞻聽
武略驅雷電文鋒粲斗星乞閑辭亢滿分逸下青冥

綺甲雙朱服腰橫萬寶釘明峰春蠹蠹汝水暮泠泠
散策花間徑揮犀水上亭壺觴延墨客燈燭按歌伶
周袞歸公旦商巖夢武丁久聞虛揆席佇見返皇扃
別數汾陽考重鐫宋父銘巍然廟堂上永作世儀形

病犬

犬以守禦用老憊將何爲踉蹌劣於行纍然抱渴饑
主人恩義易乃爲升斗資追隨不肯去猶若戀藩離
屠膾意得逞烹庖在須斯糟糠固非意豚豕同一時
念昔初得寵青韉纏毳絲飼養候飢飽動止常相隨

胡云不終始委逐在衰遲犬死不足道固爲主人悲

和子瞻雙石

天鑱海濱石鬱若龜毛綠信爲小仇池氣象宛然足
連巖下空洞鼎張彭亨腹雙峯照清漣春眉鏡中感
疑經女媧鍊或入金華牧鑪燠克雲氣研滴當川瀆
尤物足移人不必珠與玉道傍初無異漢將疑虎伏
支機亦何據但出君平卜奇礪入華林傾都自追逐
我願作陳那令吼震山谷一拳旣在夢二駒空所欲
大士捨寶陀仙人遺句曲惟詩落人間如傳置郵速

雷陽書事三首

駱越風俗殊有疾皆勿藥束帶趨祀房瞽史巫紛
若絃歌薦繭栗奴主洽觴酌呻吟殊未央更把雞
骨灼

一笛一腰鼓鳴聲甚悲涼借問此何爲居人朝送
殤出郭披莽蒼磨刀向猪羊何須作佳事鬼去百
無殃

舊傳日南郡野女出成羣此去尚應遠東門已如
雲虫氓託絲布相就通慇懃可憐秋胡子不遇卓

文君

海康書事十首

白髮坐鉤黨南遷海瀕州灌園以餬口身自雜蒼頭籬落秋暑中碧花蔓牽牛誰知把鋤人舊日東陵侯

荔子無幾何黃柑遽如許遷臣不惜日恣意移寒暑層巢俯雲木信美非吾土草芳自有時鴨鵝何

關汝

卜居近流水小巢依欽岑終日數椽間但聞鳥遺

音鑪香入幽夢海月明孤斟鷓鴣一枝足所恨非

故林

培塿無松栢駕言出焉遊讀書與意會却掃可忘憂尺蠖以時詘其信亦非求得歸良不惡未歸且

淹留

粵女市無常所至輒成區一日三四遷處處售鰕魚青裙脚不襪臭味爰與狙孰云風土惡白州生綠珠

海康臘已酉不論冬孟仲殺牛搗祭鼓城郭爲沸

動雖非堯曆頌自我先人用大笑荆楚人嘉平獵
雲夢

粲粲菴摩勒作湯美無有上客賦驪駒玉奩開素
手那知蒼梧野棄置同芻狗荆山玉抵鵲此事繇
來久

裔土桑柘希蠶月不紡績吳絹與魯縞取具舸舩
客一朝南風發家室相怵迫半賈鬻我藏倍稱還
君息

一雨復一暘蒼茫颶風發怒號兼晝夜山海爲顛
蹶云何大塊噫乃爾不可遏黎明衆竅虛白日麗
空濶

合浦古珠池一熟胎如山試問池邊蟹云今累年
開豈無明月珍轉徙溟渤間何關二千石時至自
當還

次韻曾存之嘯竹軒

翩翩曾公子子猷定前身嗜好準疇昔了然不淄磷
寄食平準官植竹當比鄰朝與竹相對暮與竹相親
安可一日無此君真可人

遊仙二首

服形百神朝，刳心萬緣盡。我無退轉境，何以有精進。戲爲汗漫遊，八極一何近。渺渺東海水，纍纍北邙墳。向來歌舞處，忽復成荒村。愚人如鹿耳，其死了無魂。孰知九霄間，玄圃枕崑崙。緇塵化人衣，蒼蘿誰與捫。

雲車自天來，駕言遊混茫。手持太一節，身佩使者章。龍虎傍天矯，馬龜伏以翔。朝元紫薇上，所覩浩難量。寶網結萬珠，參伍相焜煌。花品不知數，妙英折玄房。宮殿隨人身，處處輒清涼。危髻擢真玉，高謝人間粧。二、三古鬚眉，冠雲帶含光。遺我飛霞佩，副以明月璫。再拜敬服之，白毛發靈香。

次韻答張文潛病中見寄

與君涉世網，所得如鉤溫。念昔相乖離，俯仰變寒暄。把袂安可期，寄書囑加飧。三年汝水濱，孤懷誰與言。末路非所望，聯鑣金馬門。校文多豫暇，玄談到羲軒。孰云笭箬小，史書垂後昆。惟以舊聞牴牾，良可刊比。枉病中作筆端，淮海奔亟駕。問所苦兀坐一室閑。

淮海集 卷四
晤對不知夕歸途斗星纔平時帶十圍頗復減臂環
君其專精神微恙不足論愷悌神所勞此理真如絃

與子瞻參寥會松江得浪字

松江浩無旁垂虹勝其上漫然銜洞庭領略非一狀
恍如陣平野萬馬攢穹帳離離雲抹山窅窅天粘浪
烟中漁唱起鳥外征帆颺愈知宇宙寬斗覺東南壯
太史王文盟諸豪盡詩將超搖外形檢語笑供韻頰
嫵始棄追逐撥刺亦從放獨留三百缸聊用沃軒曠

子瞻得風字 吳越溪山興未窮又扶衰病過垂虹
浮天自古東南水送客今朝西北風絕境自忘千里

遠勝遊難復古人同舟師不會留連意擬看斜陽萬
頃紅 二子緣詩老更窮人間無處吐長虹平生睡
足連江雨盡日舟行孽岸風人笑年來三出慣天教
我輩一罇同知君欲寫長相憶更送銀盤尾鬣紅
參寥得岸字 蜿蜒跨長虹吳會稱傑觀淪連幾萬
頃放目失垠岸倒境射遙山青螺點空半從來勝震
澤勝事無昏旦破浪湧長鬢排空度飛翰師肝
入清境劃若春水泮安得凌九垓從公遊汗漫

淮海集卷四終

淮海集卷五

詩

七言古

觀易元吉獐猿圖歌

參天老木相樛枝嵌空怪石銜青漪兩猿上下一
掛兩猿熟視蒼蛙疑蕭蕭叢竹山風吹海棠杜宇相
因依下有兩獐從兩兒花殮草嚙含春嬉易老筆精
湖海推畫意忘形形更奇解衣一掃神扶持他日自
見猶嗟咨金錢百萬酒千鴟荆南將軍欣得之老禪
豪取橐爲垂白晝掩門初許窺房櫳炯炯明冬曦榛

蓬羽革分豪釐殘編未終且歸讀歲暮有思重借披
夜坐懷莘老司諫 次韻參寥
六合寥寥信茫昧中有日月無根抵古往今來漫不
休青髮素顏從此逝嗟予自少多遭迴氣血未衰心
已艾北渡長淮霜入屨南窺禹穴塵生袂日鑿一竅
渾沌死雖有餘風終破碎回車復路可無緣三問道
人三不對

答朱廣微

廣微才華殆天賦十歲孤山有佳句又夢東林飲虎
溪歎息清風人不悟自爾所見無全牛桐柏崑崙日
傾注蔥龍曉景破新花。蹭蹬老拳擒脫兔身勤事左
竟何成巧迫化工天所怒兩鬢星星滄海頭強學禪
那慰遲暮昨夜燈花吐金粟曉烹鯉魚得尺素笑我
徜徉吳楚間經卷酒卮隨所遇人生迂意十八九月
得解顏能幾度著書準易空自疲服藥求仙良亦悞
北風老矣無能爲行看黃鸝語飛絮安得從君醉百
場落筆珠璣不論數

送僧歸保寧

西湖環繞皆招提樓閣晦明如臥披保寧復在最佳
處水光四合無端倪車塵不來馬足斷時有海月相
因依上人弱齡已隸此心目所證惟瑰琦白玉芙蓉
出清沼天然不受緇塵擾坐客一語不入意目如明
星視飛鳥冠切雲今佩玉難上人顧之真等閒應緣
聊入人間世興盡却歸湖上山伊余久欲窺禹穴矧
今仲父官東越行挽秋風入剡溪爲君先醉西湖月
和王通叟琵琶夢
鴉鳴時衆芳歇華堂夢斷音容絕風驚玉露不成

辭後在唐人
中晚之間

圓一夜芙蓉泣秋月金紋捍而紫檀槽曾抱花前送
酒。勸。庾。郎。江。令。費。珠。璧。小。牙。紅。戔。揮。兔。毫。風。流。雲。散。
令人瘦。忍看麴塵昏錦綬。楚水悠悠更不西。上天破
鑑空依舊。

醫者

塊然一氣初渾淪散作六物相吐吞主承客禦勝復
存是爲萬物疾病原寥寥空陂遊寬寬誨此法術成
軒轅金書玉冊要不煩煥如星宿不可捫時遷聖祖
遂幽昏弊俗竊以資利源余嘗感槩期明論世無妙

質孰與言因君乞詩置屋軒聊復援筆賦本根

漫郎

分韻得
桃字

元公機鑒天所高中興諸彥非其曹自呼漫郎示真
率日與聳叟為嬉遨是時胡星殞未久關輔擾擾猶
弓刀百里不聞易五殺三士空傳殺二桃心知不得
載行事俛首刻意追風騷字皆華星章對月漏洩元
氣煩揮毫倚玕春深茂花竹九疑日暮吟哀猿紅顏
白骨付清醪一官於我真鴻毛乃知達人妙如水濁
清顯晦惟所遭無時有祿亦可隱何必龕巖遠遁逃

記夢答劉全美

歲逢困敦斗申指辰次庚辰漏傳子夢出城闈登古
原草木榮天帶流水千夫荷鍾開久殞前有一人狀
瓌偉素冠長跪烝酒殺云是劉郎字全美馬鳴車響
斷還續人境晦明秋色裏既寤茫然失所遭河轉星
翻汗如洗世傳夢凶常得吉神物戲人良有旨全美
聲名海縣聞閉久當開乃其理娟娟二十四橋月月
下吹簫聊爾耳洗眼看君先一鳴九萬扶搖從此始

和虛飄飄

夢回景色如
畫

總以物之易
滅者入詠詩
之比體也

虛飄飄虛飄飄風寒飄絮浪春暖履冰橋勢緩霜垂
霰聲乾葉下條雨中漚點沒流水風裏綵雲鋪遠霄

虛飄飄比時光影猶堅牢

魯直唱
虛飄飄虛飄飄
花飛不到地虹起漫成橋

入夢雲千疊遊空絲萬條
蜃樓百尺聳滄海鴈字一
行書絳霄虛飄飄比人生
命猶堅牢子瞻和虛

飄飄虛飄飄盡簷蛛結網
銀漢鵲成橋塵積雨梧葉
霜飛風柳條露凝殘點見
紅日星曳餘光橫碧霄虛

飄飄比浮名
利猶堅牢

馬上口占二首

向晨結束事長途利風刮面冰在鬚
岡窮得水馬不進霧暗失道人相呼悠悠旁舍見汲井
軋軋隔林聞

輓車游目騁懷自可樂勿憶鄉縣增煩紆

霜風稜稜萬木枯梅花破萼猶含鬚
田家往往事游獵追逐狐兔相號呼
微茫山中起狂燒隱約林梢低
日車馬頭漸覺有佳趣勿厭阡陌多
縈紆

別子瞻

人生異趣各有求繫風捕影祇懷憂
我獨不願萬戶侯惟願一識蘇徐州
徐州英偉非人力世有高名擅
區域珠樹三株詎可攀玉海千尋真
莫測一昨秋風動遠情便憶鱸魚訪
洞庭芝蘭不獨庭中秀松栢仍

當雪後青故人持節過鄉縣教以東來償所願天上
 麒麟昔漫聞河東鶯鶯今纔見不將俗物擬天真北
 斗巴南能幾人八埒學士風標遠五馬使君恩意新
 黃塵冥冥日月換中有盈虛亦何算據龜食蛤暫相
 從請結後期游汗漫子瞻詩云 夜光明月非所投
 逢年遇合百無憂將軍百戰竟
 不候伯郎一斗得涼州翹關負重君無力十年不入
 紛華域故人坐上見君文謂是古人吁莫測新詩說
 盡萬物情硬黃小字臨黃庭故人已去君未到空吟
 河畔草青青誰為他鄉各異縣天遣君來破吾願一
 聞君語識君心短李髯孫眼中見江湖放浪久全真
 忽然一鳴驚倒人從橫所值無不可知君不怕新詩
 新千金弊帚那堪換我亦淹留豈長筭山中既未決
 同歸我聊爾耳君其漫淮南三歲吾何求使君到

後消人憂君言有容輕公侯扁舟相從古揚州置之
 匹馬恨無力千里相忘同異域新詩空使四座驚慙
 居未易凡人測使君南歸無限情鴻飛携書墮我庭
 此書兼置昔年客袖中麗句淮山青老夫強顏依府
 縣堆案文書本作願清談壘壘解人頤安得座右長
 相見狂客吾非賀季真醉吟君似謫仙人未契長遭
 少年笑白髮應慙傾蓋新都城酒貴誰當換塵埃
 媚面非良筭歸來泗上正思君莫待黃花霜爛熳

淮海集卷六

詩

七言古

和黃法曹憶建溪梅花同參寥賦

元稹詩新流
 海陵參軍不枯槁。醉憶梅花愁絕倒。為憐一樹傍寒
 溪。花水多情自相惱。清淚班班知有恨。恨春相逢苦
 不早。甘心結子待君來。洗雨梳風為誰好。誰云廣平
 心似鐵。不惜珠璣與揮掃。月沒參橫畫角哀。暗香銷
 盡令人老。天分四時不相貸。孤芳轉盼同衰草。要須
 健步遠移歸。亂插繁華向晴昊。
參寥詩云 朔風蕭蕭方振槁雪壓茅齋

宋句用杜妙

欲歌倒門前誰送一枝梅。問訊山僧少病惱，強將筆
力爲君寫麗句。已輸何遜早，碧桃丹杏空。日妍嚼藥
艷香無比好。先生携酒傍玉叢，醉裏雄辭驚電掃。東
溪不見謫仙人，江路還逢少陵老。我雖不飲爲誰牽，
不惜山衣同藉草。要須陶令插花歸，醉臥春風軼軒
昊。子瞻和云：西湖處士骨應槁，只有此詩君壓
倒。東坡先生心已灰，爲愛君詩被花惱。多情立馬待
黃昏，殘雪消暹月出早。江頭千樹春欲暗，竹外一枝
斜更好。孤山山下醉眠處，點綴裙腰紛不掃。萬里春
隨逐客來，十年花送佳人老。去年花開我已病，今年
對花還草草。不如風雨卷春歸，收拾餘香還畀昊。
子瞻和云：化工未識蘇群槁，先向梅花一傾倒。江
南無雪春瘴生，爲散冰花除熱惱。風清月落無人見，
洗粧自趁嚴鍾早。惟有飛來雙白鷺，玉羽瓊枝鬪清
好。吳山道人似水眼，淨塵空無可掃。故將妙語寄
多情，橫機欲寄東坡老。東坡習氣除未盡，時復長篇
書小草。且撼長條殮落英，忍饑未忍呼穹昊。子由
和云：老夫毛骨日凋槁，愁見米鹽惟醉倒。忽傳騷

客賦寒梅感物傷春同懊惱。江邊不識北風勁，牆頭
知有南枝早。未開素質夜光明，半落清香春更好。鄰
家小婦學閑媚，靚粧惟有長眉掃。孤芳已與飛霰競，
結子仍先百花老。苦遭橫笛亂飛英，不見遊人醉芳
草。可憐物性空自知，羞作繁華助芒昊。子由和云：
憐君古木依岩槁，西江飲醉須彌倒。野花幽草亦
何爲，嶮語長篇空自惱。萬點浮溪轍長嘆，一枝過嶺
誇先早。拾香不忍游塵污，嚼藥更憐真味好。道人遇
物心有得，瓦竹相敲綠自掃。誰知真妄了不妨，令我
至今思連老。妙明真覺昔未識，但向闌窓看詩草。浮
雲時起烏四飛，畢竟安能亂清昊。

題驥鬃圖

雙瞳夾鏡權協月。尾鬣蕭森澤於髮。鞍銜不施韉復
脫。旁無馭者氣騰越。地如砥平丘隴滅。天寒日暮抱

醉於夢杜

饑渴。驤首號鳴。思一發。超軼絕塵。入恍忽。東門金鑄。
久銷歇。曹霸丹青亦云沒。賴有龍眠戲揮筆。眼前時。
見千里骨。玉臺閭闔相因依。嗟爾龍媒空自奇。鸞旗。
日行三千里。焉用逐風追電爲。

和東坡紅鞵帶

君不見相如容貌窮不枯。卓氏耻之分百奴。一朝奉。
旨使筇笻。駟馬赤車從萬夫。仲元君平更高妙。寄食。
耕卜霜眉鬚。兩川人物古不乏。數子風流今可無。參。
軍少年飽經術。期作侍中司御壺。老披青衫更襲鑠。

上馬不用兒孫扶。一朝忽解印綬去。耻將詩禮攘袂。
襦。懸知百年事已定。却笑列仙形甚臞。東阡北陌西。
風入。瑞草橋邊人叫呼。相見紅圍照白髮。頽然醉卧。
文君壚。

題楊康公醉道士石

黃冠初飲何人醉。徑醉頽然不知久。風吹化石楚山。
阿。藤蔓纏身蘚封口。常隨白鶴亦飛去。但有衣冠同。
不朽。異物終爲賢俊得。野老田夫豈宜有。華陰楊公。
香案吏。一見遂作忘年友。日暮西垣視草歸。往往對。

妙語幾欲呵
信矣

之傾數斗。大夢之間無定論。啓母望夫天所誘。穀城
或與子房期。西域更爲陳那吼。我疑黃冠反見玩。若
此堅頑定醒否。何當一笑凌蒼霞。顧謝主人聊舉手。

送蔡子驥用蔡子駿韻

越絕山川遠相屬。萬壑千巖抱青綠。卧龍一峯稱是
奇。遶趾清漪如帶束。鏡水春生鴨尾銜。稽山日暮猿
聲續。三休上與蓬萊接。登眺使人遺寵辱。我昔東遊
觀禹穴。痛飲狂歌得所欲。上天何曾有官府。鸞鳳日
日遭鞭朴。僧坊畫壁閱幾徧。神妙難忘獨金粟。華胥

夢斷已十年。又見春風煮錫粥。苧羅若耶固依舊。可
憐雲月誰追逐。故人淡迫出天性。鷓鴣巢林一枝足。
不肯絃歌甘筦庫。還同市門隨梅福。惟應月下小叢
歌。尚有哀音傳舊俗。

和裴仲謨放兔行

兔饑食山林。兔渴飲川澤。與人不瑕疵。焉用苦求索。
天寒草枯死。見窘何太迫。上有蒼鷹禍。下有黃犬厄。
一死無足悲。所耻敗頭額。敢期揮金遇。倒橐無難色。
雖乖獵者意。頗塞仁人責。兔兮兔兮聽我言。月中仙

子最汝憐不如亟返月中宿休顧商巖并嶽麓

南都新亭行寄王子發

洛水沄沄天上動道入隋渠下梁宋宋都堤上十二
亭一一飛驚若鸞鳳光華遠繼周王雅宴喜還歸魯
侯頌玉觴嚴令肅衣冠金縷哀音繞梁棟娟娟殘月
照波瀾習習暖風吹鳥哢何處高帆落文鷁誰家駿
馬嘶征鞚柳枝芳草恨連天暮雨朝雲同昨夢借問
亭名製者誰留守王公才望重胸中雲夢吞八九日
解千牛節皆中祥符相公實曾祖庭列三槐多伯仲

承明厭直出荊州轉守此都行大用此都去天纔尺
五交廣荆陽歸引控兔園事迹化黃埃清泠文雅堪
長慟舳艫銜尾車挂轄昨日出迎今日送送故迎新
無已時古往今來相戲弄亭下嶽崎淮海客未路逢
公詩酒共一樽明日難重持豈恤官期後芒種今年
氣候頗云早天矯梅花春欲縱行見亭中祖帳開千
乘送公歸法從

以蓴薑法魚糟蟹寄子瞻

鮮鯽經年漬醯醢團臍紫蟹脂填腹後春蓴茁滑於

淮海集 卷六 五
酥先社薑芽肥勝肉。鳧卵纍纍何足道。飢餓盤飧亦
時欲淮南風俗事。瓶罌方法相傳爲旨蓄。魚鱗蜃醢
薦蘩豆。山藪溪毛例蒙錄。輒送行庖當擊鮮。澤居備
禮無麋鹿。

贈女冠暢師

瞳人剪水腰如束。一幅烏紗裹寒玉。飄然自有姑射
姿。回看粉黛皆塵俗。霧閣雲窓人莫窺。門前車馬任
東西。禮罷曉壇春日靜。落紅滿地乳鴉啼。

次韻黃冕仲寄題順興步雲閣

故山無期大刀頭。黃塵溽暑未罷休。步雲之篇忽我
投。便見冰玉懸清秋。順興山川甲閩甌。無風萬壑松
颼颼。步雲之人人品優。御風禦寇真其儔。仙人乘槎
凌斗牛。回環十見天星周。猿鶴忽驚空蕙帳。周家正
要礪溪望。

徐得之閑軒

建安自古多俊髦。徐子磊落尤其豪。論兵說劍走湖
海。身勤事左無所遭。綠水五校已屠膾。黑云三衛嗟
徒勞。歸來故山便卜築。脫棄萬事輕鴻毛。橫前澗水

淮海集 卷六 六
漱哀玉，傍舍老櫪藏飛猱。山蔬何用媿梁肉。鶴氅未
必輸青袍。追寒弄月有真意。慎勿輕語傳兒曹。

送喬希聖

鸚翔蓬蒿非所悲。鵬擊風雲非所喜。貴賤窮通盡偶
然。回頭總是東流水。我思田文昔相齊。朱袍照日如
雲霓。三千冠佩醉明月。清歌一曲傾玻璃。如今陳迹
知何在。但見荒冢烟蕪迷。又思原憲昔居魯。門戶東
西閉。還堵杖藜對客騁高談。自覺胸襟輩堯禹。如今
寂寞已成塵。空有聲名掛千古。送君去。何時回世間。
如此令人哀。我徒駐足不可久。笑指白雲歸去來。

淮海集卷七

詩 五言律 排律附

輦下春晴

樓闕過朝雨參差動霽光
衣冠紛禁路雲氣繞宮牆
亂絮迷春濶鶯花困日長
經旬牽酒伴猶未獻長揚

睡起

睡起東軒下悠悠春緒長
爬搔失幽轉欵欠墮危芳
蛛網留晴絮蜂房受晚香
欲尋初斷夢雲霧已冥茫

次韻莘老初至湯泉二首

夾路山重複參天樹老蒼一區成小市數坪引溫
湯洗沐同幽客舖殮就梵坊未輸朝市子斗酒得
西涼

年華行已老林莽尚葱蒼地勝連龍洞泉溫注鬼
湯人風遠城市鍾梵近僧坊九夏來投錫棲心應

更涼萃老詩云 川谷悶深阻天時正莽蒼聊同不
速客來浴自然湯茂宰藹休政道人樓淨坊恍

如登十地熱
惱頓清涼

過六合水亭懷裴博士次韻三首 次萃老

昔同裴博士酌酒俯庭柯晚岫潭潭碧風池瑟瑟

波蒼崖遺老沒白首故人過轉眄成陳迹勞生可

奈何

晚憇孤亭上羸驂繫斷柯荒門寒帶路空檻濶增

波往事青山在餘生白鳥過誦言成絕語疊疊迫

陰何

折柳相從地重來失舊柯林光延晚照岸影動微

波隔浦檀栾當簷翡翠過主人成異物搔首柰

情何

懷孫子實

舉眼趨浮末斯人獨好修青春三不惑黃卷百無憂
玉出方流潤鸞停翠竹幽相思自成韻不必寄西郵

對淮南詔獄二首

一室如懸磬人音盡不聞老兵隨臥起漂母給朝

爨樊雉思秋野鞫鷹望暮雲念歸忘食事日減臂

環分

淮海行搖落文書亦罷休風霜欺獨宿燈火伴冥

搜笳動朱樓曉參橫粉堞秋更拚飛鏡破應得大

刀頭

次韻答米元章

嗜好清無滓周旋聚有文揮毫春在手岸幘海生雲

花鳥空撩我蓴鱸正屬君惟應讀鳴蜺差不愧玉筠

宿參寥房

鄉國秋雲暮房櫳日已暝驚風多犯竹破月不藏星

鉤箔簷花動抄書燭燼零非關相見喜自是眼長青

次韻米元章齋居卽事

庭木雙株茂盆池一掬怪支頤魚出樂入皆鳥知還

老境行將及仙書讀未閑因君歌鳳過通夕夢歸山

次韻酬陳傳道

白髮三冬學青衫八尺身誰知人傑土聊作吏中循
 揮翰通元氣開編友古人寄聲張氏子曲逆豈長貧
 次韻傳道自適兼呈都司芸叟學士
 楚國陳夫子周南頗滯留弊袍披槁葉瘦馬兀扁舟
 藥餌過三伏文書散百憂何人共禪悅居士有浮休
 次韻子由題斗野亭
 滿市花風起平堤漕水流不堪春解手更為晚停舟
 古埭天連鴈荒祠木蔽牛杖藜聊復爾轉眄夕烟浮

子由詩云細雨添春色微風動闌流勞生兩蓬鬢
 生計一扁舟飲食隨魚蟹封疆入斗牛風波方在眼
 轉覺此
 左浮

德清道中還寄子瞻 以下排律


投曉理竿棧溪行耳目醒蟲魚各蕭散雲日共晶熒
 水荇重深翠烟山疊亂青路回逢短榜崖斷點孤翎
 叢薄開羅帳淪漪寫鏡屏疎籬窺窈窕支港泛冬箬
 遠淑依微見哀猿斷續聽夢長天杳杳人遠樹冥冥
 旅思搖風旆歸期數月莫何時燃蜜炬復聽閣前鈴
 鮮于子駿使君生日

淮海集 卷七
四
往昔高堂夢熊羆兆吉占氣鍾西蜀秀時應仲秋嚴
江漢揮犀尾風雲下筆尖微辭追屈宋精義到黃炎
操履森寒栢名聲耿夜蟾擊疆鷓鴣健治劇鷓鴣銛
使者旌旄易將軍印綬添鴛鴻隨步武虎豹入韜鈴
錦覆郎官綬彤垂太守襜兩行分蜜炬十里上珠簾
禮士常懸榻誅姦或奮髯雨堂昏絳帳風帙亂牙籤
銀漢星初換金莖露已霑歡聲連北固壽邑亘東漸
麗句克文几奇香物玉奩簪紳五福具罇俎四難兼
賤子真殊幸清標獲屢覘誤蒙雕朽木猥辱畫無鹽

嘉運方熙洽英才豈滯淹佇公歸法從行道慰民瞻
次韻蔣穎叔南郊祭告上清儲祥宮二十七韻
特起朝陽內祠宮極邃清高窓闕玉女巨闌守昌明
盛掩秦諸峙雄偷漢兩京垣橫天上紫洲露海中瀛
黃帝初龍躍中原罷虎爭樵夫亦談道行旅不持兵
此地修禳禱于時保利亨栢梁災未幾陳寶詔重營
御帑金繒出慈闈服玩并標題動宸翰撰次屬鴻生
玉刻黃冠印金書祕殿名妙經藏洞觀真籙佩威盟
仙溜花間靜瓊枝物外榮肇煙承帝祉肆告順民情

淮海集 卷七
天施寧論報風行不計程近傳聞磬管時或見旌旄
海嶽朝雙闕星辰集上楹禮如尊太一事異寵文成
大似圓丘報長於至日迎待臣來祭告法駕欲時行
釐事通元氣高真達孝誠慶增黃帝系壽續太陰精
西北夷門峻東南道路傾雲行博山氣風卷步虛聲
符貺方期應英髦各彙征謳歌興法從行見泰階平
擬郡學試東風解凍
寶歷開新歲春回斗柄東漪生天際水凍解日邊風
浩蕩依蘋起侵尋帶雪融江河霜練靜池沼玉奩空

魚藻雍容裏雲霄俯仰中更無舟楫礙從此百川通



淮海集卷七終

文化章末

海潮集

卷十

九

